

十朝东华录

咸丰朝

第九卷

函九册

九月癸卯朔勝保奏臣因逆賊覬覦北路將山西調到兵一千餘名扼要布置一面督兵前進當賊未東竄時即飛催恩華托明阿

等由潞澤一帶迎擊會剿扼其東竄旋經托明阿咨稱已由澤州前進而恩華行抵何處未據覆到臣即督兵由子洪口南關前進

欲與托明阿聲勢相聯詎該逆聞我兵將至乘間向東奔竄托明阿在長子縣屬之鮑店遇賊接仗擊退數里旋復奔突東竄由屯

雷縣城外竄至潞城黎城一帶潞城失守即已收復托明阿帶兵尾追西凌阿亦跟蹤前進臣擬將該逆困於沁源山中全賴東

南之兵截住庶可四面齊進一鼓殲除無如賊奔太急各路進兵較緩臣由垣曲至洪洞路經千餘里追剿半月有餘使恩華所帶

馬步隊與托明阿相合必可得力乃緩不濟急重占元亦至今未到臣爾經領此時恐亦未趕到正定臣若再尾追更恐不及見已

由南關折回太谷帶兵二千餘名直趨正定獲鹿并陘一帶以扼北竄賊鋒保衛畿輔並飛調舒興阿派來之副都統綿洵前任總

兵桂齡帶領官兵一千八百名並副將孔廣順所帶官兵九百名隨同剿辦復於臣所帶馬隊二百餘名內撥出一百五十名派營

總巴揚阿由北路迎頭鈔擊一面飛咨直隸督臣山東撫臣嚴防以便跟蹤夾擊一面飛催恩華迅速由清化前進保護彰衛一帶

更請飭下於保定南北添兵嚴密布置庶期有備無患至恩華托明阿一則會剿遲延一則堵禦未善應請旨交部分別議處臣督

催不力以致徵調未齊請旨一併交部議處臣爾經額奏探得西竄餘逆分股擾及晉省潞澤並由潞澤竄至豫省涉縣武安縣復

由武安山路徑奔臨洛關查調駐臨洛之吉林兵一千名因豫省車輛不敷周轉已到防者七百五十名且軍火器械尚未運齊當

又截留折回之山西兵二百名飭令總兵經文岱統帶迎擊該逆并死抗拒我兵奮力轟擊斃賊百數十人並斬獲紅巾賊目首級

一顆生擒長髮賊匪一名該逆稍退我兵續有斬殺無如山徑可通之路不一而足且該逆到處慮費愈聚愈多我兵不滿千名寡

不敵眾致有傷亡臣見在暫駐廣平府城催調官兵並擬即日帶兵由南和冀州無極一帶繞道鈔出賊前馳赴正定堵剿一面飛

咨署提臣保恆由固關帶兵迎剿至臣子蘊秀偕同副將伊綿阿等前在清化帶兵一千名由澤州小路取道前赴平定并陘一帶

駐防此時署提臣帶兵迎擊則固關空虛見已飛飭蘊秀等即在固關駐紮堵禦並飛咨桂臣夏嚴防省會請將見在南苑之察哈爾

兵四千名調赴正定堵剿其見駐天津之盛京兵二千名調駐保定防堵桂臣夏奏臨洛關被賊竄踞見探賊已北來距順德城不過

二十里據臣爾經額咨請添兵堵截前來查省城官兵僅有四百餘名滿營駐防官兵亦止五百餘名均無可撥況臨洛關距省不

過六百餘里畿輔重地為都城保障亟宜準備斷難分兵前往惟查由省撤回之大同後起官兵五百名尚未出關見在速飭改道

徑赴順德迎剿並將龍王廟水次停泊之盛京吉林官兵飛咨該督就近飭調並飛咨勝保迅速帶兵來直跟蹤剿辦一面知照慶

祺將駐紮天津之盛京兵分撥一千來省巡恐行走較遲應懇臣天恩先行撥給京營精兵五六千名隨帶職位迅速前來一面保

衛省垣一面策應前路方可無虞惟省城破位不敷防堵聞副都統佟鑑督帶赴晉職位已於二十九日由京啟程擬俟該副都統

到省時幫同防堵並將所帶隊伍暫行截留以資急用 上諭內閣訥爾經額奏賊匪竄越直境催調官兵堵剿桂良奏臨洛關被賊竄擾勝保奏督兵星馳繞赴直隸截剿各一摺該逆自山西洪洞東竄復由屯留竄至潞城黎城一帶經勝保善祿托明阿西凌阿等分路追截勝保已將賊匪北竄太原之路扼要堵截托明阿由澤潞進兵復於屯留境內追及賊蹤亦獲勝仗將該匪擊退數里旋復奔突東竄而恩華赴晉迎剿之兵迄未與賊一遇以致該逆徑由涉縣武安竄入臨洛隔關抗拒截輔重地豈容逆匪竄擾該督訥爾經額由臨洛退回暫駐廣平調集官兵親督進剿勝保等已統帶各路大兵繞出賊前截擊托明阿西凌阿等跟蹤追擊並有舒興阿派來之副都統綿洵總兵桂齡與副將孔廣順官兵隨同勝保等擊賊見在本省防兵及盛京吉林官兵雲集已敷剿辦著再添派培成多爾濟那木凱管帶駐紮南苑之察哈爾馬隊官兵即日啟程並派慶祺維祿管帶駐紮天津之盛京官兵迅速馳往統計京外大兵數萬餘名併力奮剿諒此么麼小醜惡貫滿盈盡數殲除剋期可待前曾疊次諭令訥爾經額嚴防直隸各要隘據奏早經布置何以先期絕無偵探準備以致賊匪竄入直境該督調度乖方實難辭咎訥爾經額著革職留任並拔去花翎以示薄懲恩華會剿遷延致賊東竄著革職留任仍責令帶兵迅速繞出賊前會同勝保協力剿辦以贖前愆托明阿剿賊奮勇出力身受槍傷惟未能遏其竄逸著降五級留任勝保督催不力咎亦難辭著降一級留任均著迅速會剿殄此羣兇肅清畿甸如帶兵大員及鎮將以下各員弁再有逗遛不進致誤事機者即著該大臣懷遠前旨嚴參懲辦○諭軍機大臣等逆匪被剿竄入直隸訥爾經額以兵力不敷退至廣平致臨洛關被賊占踞業經該督暨桂良奏到披覽之餘殊深憤悶臨洛距直隸省城甚近若不及早殲除不但順德廣平被其滋擾即近畿一帶亦為震動勝保夙稱勇敢且昇以總統重任各路官兵均歸調度著即迅由井陘一路出山迎截並飛催各路帶兵大員迅速會剿總期近畿地方及早肅清以慰廑念前據恩華奏報亦擬帶兵由固關一路迎截此時不知行抵何處是否已與勝保會合著即速催前進會同剿辦毋再延誤托明阿槍傷想已痊愈即著西凌阿等併力追擊使賊匪前後受敵無難悉數殲除董占元畏葸不前至今屢催未到實屬可惡著即查明如係有心貽誤即奏請正法以肅軍律見派理藩院侍郎培成護軍統領多爾濟那木凱帶察哈爾官兵三四千名前往正定惟馬匹尙需調撥此項官兵恐未能剋期趕到其盛京兵二千名由天津馳赴保定如有應需調遣之處即行咨調協期極春已令暫留正定協同帶兵防剿並將副都統恆鑑所帶礮位截蓄著即酌量布置漳沱河渡口船隻亦須飭令收集毋令奸匪偷渡畿疆重地豈容逆匪滋擾該大臣惟當申明紀律嚴定賞罰與在事諸臣同心効力迅殄妖氛以副委任將此由六百里加緊諭知勝保並諭令恩華托明阿善祿西凌阿等知之○諭訥爾經額桂良先後馳奏賊竄直境情形各摺自賊竄懷慶之時節次諭令該督嚴防畿輔要隘即該督疊次奏報亦似各處皆有準備何以賊蹤竄及一戰即潰且軍火器械為兵丁衛身擊賊之具自賊匪西竄該督漫無布置竟置軍械於後致令如此勁旅徒手禦賊事後咎車輛不敷亦已無及即此一節該督調度無方已可概見逆匪已驅臨洛關且難順德不過二十餘里該督既在永年發糧

何以並不提及臨洛關失守之事。謂內又稱擬由南和冀州無極一帶繞出賊前廣平至正定。自宜徑向北行。何以轉折而東。似此紆折遷延。是何意見。豈將任賊直奔正定。乃由冀州一帶爲退回省城計耶。保恆帶兵由固關出山迎擊。自係正辦。繇秀伊綿柯何以轉令雷紫固關不與保恆合力剿賊。勝保等見已由獲鹿井陘一帶督兵迎擊。該督務即迅速赴正定與勝保等會剿。萬勿再有延誤。致干重罪。滹沱河吳當盛漲。有險可守。並著飭令地方官收集渡船。毋爲賊用。所有派赴正定之察哈爾官兵。卽日由京啟程。該督不可專待此項兵丁。致有貽誤。其派赴保定之盛京官兵。卽著與桂良妥商布置。並嚴飭地方文武合力守禦。儻再有疏失。撫該督是問。逆匪雖肆意奔突。而前後均無應援。若截剿得手。難保不由磁州一帶回竄。豫境懷慶府知府余炳燾前已有旨補授陝西鳳翔道。令赴新任。該員熟悉河北情形。著該督卽飭令暫留懷慶會同河北鎮道籌辦防堵。其山東與直隸交界處。所亦卽飛咨瑞昌崇恩一體嚴防。以杜竄逸。將此由六百里加緊諭令知之。○諭見在勝保督兵由固關一路出山直趨正定。截剿不日卽可馳抵該處。恆春著卽暫駐正定府督率該處防兵相機布置。俟勝保到後。再行奏明。赴晉據桂良奏見雷副都統銓協同陳守省城並截雷駁位著該撫體察情形。如須將駁位運至正定以備攻剿。卽行知照桂良安速辦理。將此由六百里加緊諭令知之。○據山西司庫銀三十萬兩。鹽庫銀五萬兩。捐輸銀十萬兩。陝西捐輸銀二十五萬兩。解京備餉。○調熱河馬三千匹。察哈爾馬二千匹。來京備用。○甲辰諭內閣。宗人府八旗都統奏遵議紅白賞卹分別酌辦各一摺。著照所議。所有宗人覺羅見任食俸官員本身紅白事暨閒散宗室覺羅紅事賞卹銀並八旗官員紅白事及兵丁紅白事賞卹銀均暫行停止。其閒散宗室覺羅白事卹銀暫停一半。至八旗兵丁白事卹銀仍照舊賞給。一俟庫款稍充。再行查照舊章辦理。○諭軍機大臣等。給事中雷維翰奏州縣浮收激變。以致民力告坑糧滋事。爲在以民飭各督撫妥辦一摺。國家征收賦稅。各有定額。豈容不肖貪吏於正供之外。任意勒折浮收。激變以致民力告匱。民欠日多。此不肖吏胥而虧損在於國課。若如該給事中所奏州縣收漕竟有應交一石浮收至兩石之多。並有運米不收勒折交銀以致民怨沸騰。激成事變。遂有聚眾戕官之案。不得不發兵剿捕。而各州縣反藉詞於抗糧滋事。以掩其浮勒之咎。究其起釁根由。皆此不肖官吏貪婪所致。見在東南財賦之區。並半遭蹂躪。業經屢沛恩施。分別蠲緩。其未經破兵州縣。仍當照舊輸將。以充國課。若再任貪吏朘削。以致民不聊生。連欠釐繁。強者抗拒。弱者流亡。其何以蘇民困而裕倉儲。著有漕各督撫於州縣征漕之際。留心察訪。如有浮收勒折。激成事變。反借抗糧爲名。希圖蒙蔽者。卽將該員嚴參治罪。並卽遴選賢員接辦。妥爲安撫。緩靖地方。務當實力奉行。勿負諄諄誥誡之意。原摺鈔給閱看。將此各諭令知之。○諭寄諭署山西巡撫郭夢齡惠親王等奏請飭督省籌畫軍需一摺。山西素稱富足。軍興以來。紳士商民人等急公好義。踴躍輸將。數已不少。自逆氛擾入晉境。平潞各府屬慘遭蹂躪。眷懷西顧。時深憫惻。見在賊蹤他竄。省垣一帶幸得保全。惟搜捕餘匪。防守要隘。善後事宜。均關緊要。當此庫藏支絀之時。一切經費不能不兼資民力。以期共濟。著該督撫遴選賢員會同公正紳耆推誠布公。剴切曉諭。各就地方情形安速辦理。自有實效。原摺鈔給閱

看將此由六百里諭令知之○諭寄諭欽差大臣琦善向榮兩江總督怡良署江蘇巡撫許乃釗安徽巡撫李嘉端查文經奏統籌江南大局酌擬四條呈覽一摺所奏甚是其速募戰艦一條尤爲肅清江面要著前經總論湖北湖南各督撫趕緊製造嗣經該省奏稱民船不適於用業已收買江船照廣東船式改造可安礮位而利遄行者即迅催張亮基等派得力員弁雇募舵手水手駛赴江南以資攻剿廣東所募紅單船早抵閩洋此時當可入口又有知縣林得泉所願花督船見泊上海均著飛催前進萬勿刻遲至逆匪於江岸徧設礮臺以致我兵船不能前進故自艇船入江以來雖屢次接仗未聞越北固金山而上至黃天蕩者該臬司所請攻奪五龍山北固山象山沙州圩等處礮臺並扼守東西梁山爲安排水戰之急務尤宜早圖維先奪礮臺而後艇船得以暢行無阻其區別練勇一條亦切中募勇情弊著該大臣督撫等體察情形迅速籌辦庶不至坐耗時日糜餉老師也原摺著鈔給閱看將此由六百里各諭令知之○調察哈爾兵二千名赴直隸剿賊○乙巳諭內閣理藩院奏請暫停年班來京一摺內扎薩克蒙古王公等自軍興以來或捐輸經費或呈進馬匹均屬急公報效本年年班若仍令其照常入貢費用浩繁恐增苦累所有本年內外扎薩克蒙古王公台吉額駙年班均著暫行停止一年其回子伯克及後藏堪布如已啟程無論行抵何處即著折回無庸來京以示體恤○諭軍機大臣等寄諭兩廣總督葉名琛廣東巡撫柏貴有人奏廣東濱海之區沙田數千萬頃多未升科皆由辦理詳咨費用太多人皆畏縮若減價征收計可得銀數百萬兩又據奏稱粵東紅單船與官兵不相洽習至臨陣機宜令自舉勇幹紳士爲之董率又有快蟹船與紅單船相輔可一併招募若能轟燬賊船即將銀物全行賞給等語見在經費支絀如果沙田多未升科該督撫等即體察情形妥爲籌辦前募之紅單船早已馳抵閩洋其快蟹船隻亦經諭令雇備該督撫等諒已遵旨辦理著即派委明幹賢員將前項船隻擇其船堅礮利者再行設法雇募多隻並派勇幹紳士令其管帶迅赴金陵會同協剿如能將江面賊船全行轟燬即賞以數十萬金亦所不吝該督撫等即酌量安速辦理毋稍延緩原摺著鈔給閱看將此由六百里諭令知之○命京營總兵達洪阿帶八旗兵赴直隸賞銀有差○丙午諭內閣前因逆匪竄入山西訥爾經額折回直隸疊次諭令將各路要隘嚴密防守乃賊匪竟由山口竄入直隸境內占踞臨洺關該督退至廣平自前次奏報後數日以來並無續報本日據尙書桂良奏賊匪擾及隆平柏鄉等縣正定郡城喫緊催調官兵堵截等語不知該督所司何事見在行抵何處殊堪詫異該督久任畿疆一遇軍務漫無布置孤恩溺職咎實難辭爾經額著即革職仍留於直隸隨同桂良辦理防勦事宜直隸總督著桂良補授務即悉心籌畫與勝保等議派將弁兵勇迅速截剿盡殄賊氛以副委任○諭軍機大臣等寄諭直隸總督桂良逆匪竄入臨洺關復陷隆平柏鄉勢甚剽疾正定情形極爲喫重慶祺等所帶駐紮天津之盛京兵二千名已於初三日由水路啟程前赴保定其察哈爾官兵並派出京兵亦即日前往協剿所有撤回之大同兵及龍王廟停泊之盛京官兵並吉林官兵均須飛催趕到修鑑所帶礮位如已到省著查看緩急與恆春酌量布置隨時知照勝保合力勦辦前調大凌河哲里木錫林郭勒等處馬匹聞已入山海關即行飛催前進勿

令稽延該督身任徽疆責無旁貸惟當統籌全局迅殄賊氛以慰朕望將此由六百里加緊諭令知之○張芾奏粵逆攻撲省城九十餘日等委員會同紳士將倡議餽賊及乘機搶掠之土匪次第擊獲正法連日飭將二三千斤大礮十餘位分布章江得勝二門緊對賊壘晝夜轟擊沈賊船二十隻獲犯供稱連日礮斃賊匪二百人該逆難以棲身似有遁意八月二十一二十二等日等派令各營兵勇分路攻撲賊營該逆仍伏匿不出槍礮如雨我軍撲近牆根拋擲火彈火罐每日燒斃賊匪約數十人二十二日夜賊營槍礮猶向城內轟擊我兵齊放大礮賊礮頓止兵勇乘勢下城放火時值南風大作延燒甚熾賊眾紛紛上船揚帆下窺燒斃溺斃之賊不計其數生擒八十餘名殺斃百餘名奪獲船十二隻礮三尊擡槍十三桿我軍苦無舟楫不能順流尾追見已派令都司戴文蘭等帶兵兼程繞出賊前沿途截擊江忠源與總兵音德布等亦即分起跟蹤前進如賊於出湖後上窺即於九江一帶堵剿如賊仍回窺江南安徽仍各該督撫加意嚴防江西省城固守九十餘日仰賴 聖主福庇得以保此危城所有在事始終出力各員容 等查明具奏懇請恩施以昭激勸江忠源奏賊匪乘風下窺 應即星夜跟蹤追剿奈江省自被賊擾近省民船非先行逃匿即為賊擄掠一時實難雇覓而賊一出湖口上可窺伺湖北下可窺擾安徽並可歸併金陵下游查無陸路可以繞赴賊前惟上游之九江府及田家鎮等處尚可從建昌一帶迎剿 等商派都司戴文蘭等帶辰州兵開化勇楚勇廣勇二千餘名即日啟程從陸路趕至九江 一面確探賊蹤一面設法雇覓船隻帶領雲南湖南官兵湘勇楚勇由水陸尾追如賊果上窺即與戴文蘭等前後夾擊若該逆順流而下即令戴文蘭等由九江雇船駛下與 等合隊追入皖境探明賊蹤相機堵剿儻竟歸併金陵或仍還前旨馳赴河南或徑赴金陵到皖時當可奉到諭旨再行欽遵安辦李嘉瑞奏據前臬司張熙宇稟八月二十一夜聞至次日午間賊船六百餘隻陸續停泊安慶城外乘夜進城不許百姓逃避復至北門外各村莊搶擄人畜黃花亭馬山兩處皆築土城又於準提庵築土牆截斷大路北門城樓安置槍礮各城添築望樓城垣增高五尺匪眾約五六千人意圖占踞安慶若非厚集兵力迅速殲除恐將為北竄之繼集賢關防守萬不可虛僣有前援廬江之練勇六百名可以派往救應極與所帶陝兵五百名亦可撥往而廬郡已無一兵但恃鄉勇守禦前次趙善所撥戍成之兵除宣化鎮兵五百業經 商調協守東關其陝兵四百五十名亦擬商調併交恆興營帶以資堵禦懇成即帶青州馬隊千名駐守和州其關山一路否商奕經由固鎮進守復咨商周天爵帶其派往潁州剿匪之兵來桐懷擇要進剿並咨向書恩華將自皖帶去各兵仍帶來廬另派兵駐守徐宿刻下懷慶解圍餘賊剿洗殆盡且計江西賊船諒已去盡從前奉命防堵皖豫交界之江忠源自應仍遵前旨追剿來皖亦經 咨明張芾查照飭遵並咨張亮基即檄速撥船礮令上下游並進知照陸路合力痛剿或不難於掃蕩見在惟當力守集賢關未敢輕言攻擊請飭下各路帶兵大臣速即應援俾全皖危而復安則臣民幸甚 上諭張芾江忠源奏逆匪敗竄省城解圍各摺片本日據李嘉瑞奏賊船六百餘隻停泊安慶府城外乘夜入城見在賊匪不下五六千人等語此股賊匪顯係圍攻南昌不能得手復圖竄踞安慶本日已諭令李嘉瑞周

天爵迅籌剿辦並諭令張亮基崇綸將造船隻催赴下游交江忠源調遣其夏廷樾所造船隻並著派員押送下游以備兵勇乘坐見在南昌省城解圍所有被難居民著張芾等妥爲招撫其竄踞饒州擾及吉安等處土匪仍著督飭各員弁趕緊剿除江忠源跟蹤追剿總以肅清江北爲要著卽與都司戴文蘭李輔朝等督飭兵勇直赴皖省探明賊蹤合力攻擊勿令餘逆久踞皖城又成巢窟將此由六百里加緊各諭令知之○論本日據江忠源奏竄擾江西省城之賊疊受懲創於八月二十日乘風下竄見已跟蹤追剿惟水路船隻自被賊擾後一時實難雇覓又據李嘉端奏有賊船陸續停泊安慶占踞府城請飭亟爲應援各一摺是由江西擊退之賊非上竄湖北卽全數下擾安慶江忠源雖已跟蹤追剿而苦無船隻恐剿辦未易得手張亮基等籌備船隻此時諒已辦有成效如尙辦不足數著將業經改造若干隻先行派委得力員弁督帶星速駛赴下游聽候江忠源調遣協同截剿毋得延誤將此由六百里加緊諭令知之○論安慶賊船是否卽係由江西紛竄見在匪徒五六千人築壘空濠已有占踞之勢必當早圖攻剿已命張芾將江西新造戰船由江赴皖以備調遣並命張亮基等將備赴江南船廠先行酌撥駛往安慶以爲援應該撫務卽嚴飭玉山張熙宇等扼守集賢關防其北竄安徽見無重兵惟周天爵在潁州剿匪著迅撥兵勇由桐懷一路擇要進剿並可保護廬州仍飛咨江忠源無論水陸迅速赴援慧成前由揚州分撥青州官兵八百五十名派常清管帶馳赴和州計日趕到亦可酌量調撥奕經見守固鎮能否進守關山一路著李嘉端與奕經周天爵咨商辦理將此由六百里加緊諭知周天爵李嘉端並諭壽春鎮總兵玉山知之○以江西賊匪擊退省城解圍開復巡撫張芾革職畱任處分賞在籍尙書陳孚恩花翎按察使江忠源二品頂帶○以江西安福泰和萬安等縣城被賊竄陷革知縣文明職與已革知縣郭春齡王家棟並逮問○丁未諭軍機大臣等桂良奏賊匪已至趙州該督飛札署提督保恆實力防守並飭正定總兵及該府知府於滹沱河渡口多派兵役晝夜把守船隻已收北岸復於沿河安設撞槍撞礮以防偷渡惟趙州偏近正定距省亦甚近若不趕緊截剿則近畿一帶俱爲震動該大臣由井陘出山迎截見在行抵何處連日未據奏報朕心實深焦灼所有培成多爾濟那木凱帶領京兵及察哈爾官兵並達洪阿帶領京兵均已催令啟程統歸該大臣調度著勝保卽督兵星速兼程前進繞出賊前痛加剿洗正定爲省城門戶不可稍有疏虞恩華所帶之兵亦由井陘一路出山見抵何處亦未據奏報著卽飛催前進合力攻擊托明阿西凌阿等追賊是否跟蹤緊蹙其後何以未聞接仗並著隨時知照前後夾擊所需糧餉已諭令郭夢齡源源接濟想該大臣定能奮勉圖功速滅此賊以副重任將此由六百里加緊諭令知之○論桂良已授爲直隸總督本省各路防兵均可調遣所有諭爾經額管帶各官兵見在何處該督卽飛催調撥扼要堵截並嚴飭保恆實力防守正定該郡爲保定門戶萬不可令賊匪闖入務於滹沱河口派委得力大員督率弁兵不分晝夜竭力巡防該處船隻無多易於收藏淨盡惟須嚴查兩岸居民接濟賊匪竹木等物致令紮筏偷渡所畱省垣之修鑑帶往職位應否移駐該處文煜春保恆派撥應用著該督酌量妥辦本日已飛諭勝保兼程前進計該大臣見在必可趕入直境杜賊北竄至省城地方尤屬緊

要藩司張集馨見在駐紮何處何以賊由河南竄入直境未見該司督兵堵截省城藩臬皆係署任張集馨置置之空閒之地著該督查明飭令該司星馳回省協同辦理防剿至河間府一帶亦係通衢著該督一併飭屬設防並通飭所屬曉諭紳民認真團練互相保衛以靖地方將此由六百里加緊諭令知之○諭天津密邇京師濱海要地不可不嚴加防備聞該處團練頗有成效著文端會同該鎮道認真督勸實力操演以資捍衛並飭在籍前任巡撫梁寶常督率倡辦至海口商民船隻亦須隨時嚴密稽察毋令奸細遁迹其陸路商販難民亦難保無匪徒假扮希圖窺伺虛實著文謙等密派安幹之員隨處訪查儻有迹可疑者即行嚴密究辦惟須持以鎮靜切勿張皇將此由六百里諭令知之○諭據怡良奏收復三縣城池一摺逆首周立春恃刁逞惡膽敢糾匪踞城見經委員丁國恩等帶兵勇攻破嘉定城門立將該逆擒獲其寶山青浦二縣亦經都司景又春主事劉存厚等分馳攻剿先後收復縣城辦理尚為迅速所有按捕餘匪撫綏良民各事宜即責成地方官並各該員弁妥為籌辦該逆周立春押解到省訊明後即行盡法懲治以儆兇頑南匯川沙上海三廳縣見在尚未克復前據許乃劄奏親督大營官兵前往剿辦著即兼程馳赴該處督同署臬司吉爾杭阿帶兵進剿以期迅速殲除勿畱餘孽至上海華夷雜處且為海運總匯之地關繫尤屬緊要必須及早攻克以靖人心該道吳健彰本有失守城池之罪惟於地方情形素為熟悉著該督等即飭該道督同地方文武相機克復以贖前愆將此由六百里諭令知之○奏湘以病免調麟魁為禮部尚書以花沙納為工部尚書聯順為左都御史穆蔭為禮部左侍郎學士內閣○調阿靈阿為兵部尚書以德興為刑部尚書載齡為工部左侍郎郎史建○調瑞麟為戶部右侍郎青麐為禮部右侍郎○賞察哈爾出征官兵羊隻○戊申諭軍機大臣等昨據勝保奏報初三日已到平定州計程日內可抵正定惟逆賊行蹤趨急見已擾及趙州我軍果能繞出賊前迎剿當不至任其北竄該大臣所稱探聞賊由順德東竄之說不知確否已諭長蘆鹽政文謙督同天津鎮道實力巡防慶祺統帶盛京官兵二千名已由天津水路啟程其原坐船隻亦令於到省後暫畱停泊儻天津有警即可折回截剿其由東而北河間一路由西而北易州一路均須密為布置此時兵力斷不能處處設防昨所派出之八旗精兵及京營兵二千五百名察哈爾兵二千名並慶祺所帶盛京官兵勉日均赴保定會齊保定扼東西之衝兩面皆可兼顧該大臣探明賊蹤所向應調往何路飛速調撥或前進迎擊或東西兩路堵截並迅即照桂良一體籌辦該大臣等帶兵或遇賊前或躡賊後總須前後夾擊定當盡殲醜類見在恩華所帶之兵行抵何處未見奏報該大臣即嚴催前進如恩華不能親督迎剿其帶兵各員孰為勇往即著指名調取令其帶兵飛速前赴大營以備調遣兵機緊要不可遷就拘泥任令貽誤訥爾經額見奏續調到盛京兵及收集潰兵二千名交經文岱統帶跟追訥爾經額復同文冲帶後到兵一千名見在均在何處著提督保恆所帶兵五百名繆秀伊綿阿畱紮固關兵一千名並前調赴保定之吉林兵一千名見在是否趕到並著該大臣迅速催調擇要調撥以資防剿仍確探賊情隨時奏報以慰廑念將此由六百里加緊諭令知之○諭天津為畿東保衛見值逆氛未靖一切防守關緊要必須事權歸一方足以資彈

歷長蘆鹽政文謙係朕特簡之員所有地方防堵事宜卽責成文謙會同鎮道大員妥爲籌辦並隨時督率文武員弁及紳民練勇等實力巡防總以嚴緝奸匪鎮定人心爲要又據勝保片奏天津街市立有火會凡遇救火之時鳴鑼立聚萬人若發給器械等件可以齊力殺賊等語此項人夫素多勇往如果控制得宜卽可與兵練相輔而行著該鹽政等體察情形飭屬團集務須曉以大義俾知互相守衛卽所以自保身家儻逆匪有東竄天津之信該鹽政等務卽相機布置勿稍疏虞勝保原片鈔給閱看將此由五百里傳諭文謙並傳諭特克慎張起鵬知之○諭據崇恩奏亟籌安輯災黎請截留漕糧備賑一摺山東濟甯等州縣因今春豐工漫口旋堵旋塌秋汛來源甚旺該處復被淹浸數萬饑民深堪憫惻著准其於東省本年應徵漕糧內截留十五萬石以備賑濟之用惟見在江省被兵浙省亦多被水災明年海運漕糧恐有短絀天庾正供未便紛紛截留該署撫卽當督率委員覈實放賑如有餘米可以節省仍著運京並曉諭官紳士民如有捐輸米石者亦可補漕糧之不足此外能設法招徠更爲妥善該署撫務當籌及全局不可徒爲一省計也將此由六百里諭令知之○諭楊以增奏軍務未竣應行緩堵漫口一摺南河見當辦理防堵若與舉大工誠恐數十萬夫麇集河干奸匪因而涸迹自應暫緩堵築以昭慎重該河督務將漫口盤頭督飭應營各員竭力裹往勿令續塌俟來歲秋開再行興辦至另奏請撥歲料銀一百二十萬兩已交戶部議奏惟部庫支絀異常各路軍需尙有應接不暇之勢斷難如數撥給見在豐北上游漫口下游工程自必稀少該河督必當撙節覈計不可任聽屬員仍前浮濫並著劉切曉諭所屬無論河工地方人員有能捐貲購料或分段承認歲料工程者卽行開單奏請恩施庶幾於萬難措置之中力求補苴之術或於官紳商民中剴切勸捐集貲濟急或酌量情形可以行用官銀錢票較爲便捷並著該河督斟酌安速籌辦毋誤要工將此由四百里諭令知之○訥爾經額奏逆匪北竄派總兵經文岱帶兵追擊並會同文冲營兵接續前進得旨眞可謂孤恩溺職之至汝久任畿疆所籌何事經文岱未必眞能得力汝同文冲續帶之兵亦不過遠遠觀望希飾前非朕若待汝奏到不知誤了多少緊要機宜○以福建廈門剿匪出力賞已革提督李廷鈺二品頂帶命協同辦理同安廈門剿匪事宜○賞京旗各營出征官兵銀兩有差○已酉諭內閣軍機大臣會同刑部定擬楊文定罪名一摺已革江蘇巡撫楊文定奉旨前往江甯省城辦理防堵乃因陸建瀛自九江退回輒以鎮江爲蘇省門戶遽行出省追賊竄至鎮江又不能嬰城固守以致失陷實屬罪無可逭楊文定著卽照那爾齊等所擬按律定爲斬監候秋後處決○諭前因禮部奏福建舉人林昌彝呈進三禮通釋一書當交南書房翰林校閱向多脫誤因將原書發交該舉人再行詳校茲據改正仍由禮部呈進著卽賞收該舉人林昌彝畱心經訓徵引詳明著以教授歸部選用以示獎勵○諭賈楨等奏澤壽城守請令各舉京員協辦團練一摺京城內外前已派王大臣等辦理巡防並令五城清查保甲見復諭令吏部揀選道府州縣及佐貳雜人員發往順天府五城分別差委果能實力巡查地方自臻嚴密若再添派京員協辦團練恐互相推諉轉致疏懈著步軍統領衙門順天府五城仍遵前旨認真稽察彈壓務使京城內外一律肅清並著曉諭商民人等各安生業儼有形迹可

疑之人卽行呈報查拏懲辦以戢奸宄而靖地方○論軍機大臣等前因正定情形喫緊疊次諭令桂良實力籌防本日據奏賊匪擾及臺城臺城至正定惟恃滹沱河阻隔前經疊諭該督飭屬收集船隻以防偷渡茲復據孫瑞珍許乃普等奏亦以急收滹沱並沙河新河船隻爲要著該督嚴飭該地方文武員弁趕緊將沿河船隻概行撤收其餘小河口並飭一律照辦晝夜巡查盤詰奸宄毋任匪黨乘間偷渡該逆被剿若不敢北渡滹沱勢恐東竄河開天津等處著隨時與勝保知照調撥各兵併力兜剿至省城重地尤宜嚴加防守勿稍大意見在京旗各營及察哈爾官兵卽日啟程已飭順天府雇備車輻輳頭應用府尹宗元醇前赴良鄉督催趕辦著桂良迅派大員攜帶銀兩沿途迎接接濟以利軍行毋稍延誤將此由六百里加緊諭令知之○諭逆匪已竄至臺城勢甚剽疾我軍若能趕緊追及何至任其猖獗如此勝保見已由獲鹿馳至正定扼賊北竄之路該兩經額見已革職其統帶官兵並副都統維祿總兵經文岱所帶官兵及在後盛京官兵一千餘名均著西凌阿酌量調遣飛速緊蹙賊蹤痛加剿洗毋得稍有延緩並隨時知照勝保桂良務使聲勢聯絡以期四面兜圍托明阿明慶等追賊見抵何處未據奏報並著飛催前進儘賊匪被我兵前後夾擊欲圖東竄卽著相機截擊該都統等追賊業已落後若再不兼程前進但事尾追自問當得何罪懷之將此由六百里加緊諭令知之○諭前因勝保軍餉孔急諭令郭夢齡速飭糧臺妥爲供給見在逆匪竄入直境各路大兵雲集不難指日蕩平惟部庫既形支絀而直隸藩庫亦無款可籌著該署撫查明無論何款速撥銀三四十萬兩解交直隸藩庫以資軍餉其應行解部之款仍遵前旨派員迅速解京不得彼此牽混將此由六百里加緊諭令知之○命惠親王總理巡防事宜○庚戌諭內閣已革大學士直隸總督訥爾經額前奉旨督兵馳赴河南於懷慶解圍賊匪西竄後疊經諭令嚴防直隸與山西毗連各路要隘應如何周密布置乃於臨洛關遇賊竄出口口卽退守廣平毫無籌策見在逆匪紛竄畿疆勝保已由獲鹿繞至正定一帶而該革督本日奏報仍在廣平株守畿輔重地較之他省更關緊要該革督統轄全省貽誤事機厥咎九重訥爾經額著卽學問由桂良派員押解來京交刑部按律治罪○諭理藩院尙書恩華經朕特派帶兵剿賊並令幫辦軍務自應奮勇出力乃自懷慶解圍而後逆匪潰竄該尙書帶兵尾追並未與賊一遇經欽差大臣勝保屢次咨催仍復任意遷延孤恩溺職大負委任恩華著卽革職學問由勝保派員押解來京交刑部會同宗人府審訊按律治罪恩華所帶官兵卽交勝保統帶飛催前進如有不遵調遣者卽著以軍法從事○諭兩翼前鋒統領八旗護軍統領向係輪流一人在景運門外值宿著添派一員每日輪流在隆宗門外值宿並著六班值宿之王公文武大臣等一體認真稽查以昭嚴肅○論軍機大臣等勝保奏督兵馳抵正定境內審度賊勢兇截追剿等語該大臣甫出獲鹿山口該逆已聞風東竄勢甚剽疾如不犯保定卽恐由趙北口竄入河間天津等處見在察哈爾官兵及京營官兵雖於初八日陸續啟程猶恐緩不濟急該大臣總宜帶兵星速繞出賊前迎頭截擊總以保衛畿疆爲要西凌阿維祿經文岱等見由臨洛一路追剿前來卽著飛催應於何路截剿相機調度慶祺所帶盛京兵二千名由水路計已行抵保定並著酌量調撥恩華業經革職訥爾經額其所帶馬

步官兵卽著勝保嚴催統帶各員迅速前進儘仍遲延觀望卽著指名參奏懲辦將此由六百里加緊諭令知之○諭桂良奏賊匪竄至定州嚴守保定一摺保定爲畿輔屏障最關緊要該督務卽督率文武員弁實力巡防認真堵禦斷不可令該逆竄越勝保若能繞至賊前自可會同進剿其河間一路亦須防其竄入不可疏忽易州一帶據德春奏防守浮圖峪係屬後路此時賊從前路奔竄著該督酌量緩急有可撥兵協濟之處卽著分撥援應京兵雖已陸續啟行仍恐緩不濟急該督仍當統籌全局相機布置賊情剽疾儘越過保定直犯河間或至天津俱當隨時調度一面知照勝保飛飭帶兵大員攔截逆蹤北竄將此由六百里加緊諭令知之○諭前曾諭令恆春暫駐正定督率文武據守淳沱遏賊北竄茲據奏稱行抵平定州與勝保相遇並接受巡撫鹽政關防等語該撫旣已馳抵山西地方著毋庸折回正定見在賊已竄至定州逼近畿輔勢甚剽疾昨已有旨諭令郭夢齡速撥軍餉三四十萬兩解赴勝保軍營此時由入都道路無有梗塞該撫務須確實偵探何處可以行走派委委員迅速解赴大營備用毋誤事機至部庫需項緊急並著督同藩司郭夢齡遵照前旨盡心籌款迅速解部晉省防守固不可疏失尤當以畿輔爲重該撫甫經出京想近日情形亦所深悉無待朕諄諄誥誡也將此由六百里加緊諭令知之○諭連日據桂良等奏賊匪北竄擾及定州一帶見當防勦喫緊之際著毓書再行挑撥熱河官兵數百名並熱河哨內駐紮東三盟官兵三千名飭令總管那敦德卽日管帶啟程來京所有前調哨內牧放之錫林郭勒馬三千匹卽速催趕前來再古北口提標兵丁如有可以調撥之處卽著該都統飭知該營員挑選精銳數百名派委得力將弁帶領來京以備調用毋稍延緩將此由六百里加緊諭令知之○諭逆匪被剿奔竄擾及直境畿疆重地自宜密爲布置先事豫防著倫泰查明密雲官兵內見在存營若干酌派精銳兵丁數百名迅委得力將弁管帶來京以備調遣將此由五百里加緊諭令知之○諭奕經奏徐州緊要請旨暫畱或另派大員接替等語徐州爲南北適中之地見在安設各路糧臺又值豐工漫口恐土匪乘機竊發該侍郎所奏自係實在情形奕經著仍駐紮徐州以資彈壓逆匪見踞安慶揚城賊匪又窮蹙思竄如該逆欲圖北竄務當扼要迎擊不可稍涉大意仍隨時察看皖省情形與李嘉端慧成等聲息相通互爲援應軍情變幻靡常亦不可拘泥株守其各屬捻匪務宜查拏淨盡以免勾結被災饑民亦著隨時安插勿令流離失所將此由六百里諭令知之○諭據長臻奏逆匪分股竄擾彰衛兩府會籌防禦一摺逆匪由懷慶竄入山西復由洪洞東竄武安涉縣一帶擾至直境已有旨諭令勝保等督兵前後夾擊諒可得手彰衛兩府之賊是否卽是此股抑係另股分竄著該督卽商同陸應穀派員實力勦辦勿畱餘孽陸應穀於初一日馳赴懷慶著卽督同河北鎮花里雅遜布加意巡防如有回竄賊匪務須盡數捕拏楚疋鎮與直隸接壤上通津定下達東昌兗濟一帶恐有土匪乘機竊發並著陸應穀派委委員設法彈壓前據李嘉端奏賊匪復擾安慶難保不又圖北竄皖豫交界地方該撫尤當統籌全局派兵扼要防守萬不可再蹈前轍致令該匪紛竄將此由六百里諭令知之○命工部員外郎耆英在巡防處效力○辛亥 上御乾清宮授惠親王奉命大將軍印御前大臣科爾沁郡王僧格林沁參贊大臣關防先期遣內

開學士載堪奉印奉開防陳於乾清宮案大將軍參贊大臣等從征各官咸辦袍補服俟於丹墀東周時上御龍袍衣服至乾清宮入坐大將軍參贊大臣升自東階從征各官從升大學士裕祿鄒魯藻奉印奉開防授大將軍參贊大臣大將軍參贊大臣祇奉率從征將士行禮禮成上還養心殿○諭內閣前逆賊滋擾擾屢經大軍攻剿滇貴山西復經勝保等飛追故孽該逆計窮東

竄復由臨沼北竄正定一帶勝保等兇已統領大岳山繞至賊前該逆不敢抗拒殘喘苟延讞疆近地豈容逆匪肆行前命培成

多爾濟那木凱達洪阿等統帶旗管官兵並察哈爾官兵出京進剿必須親近重臣總統諸軍以伸天討惠親王綿愉仁勇忠誠威

德克濟著授爲奉命大將軍御前大臣科爾沁郡王僧格林沁公忠體國謀勇兼資著授爲參贊大臣本日朕御乾清宮親頒大將

軍印參贊大臣關防並頒給銳捷刀文惠親王祇領訥庫尼素光刀交僧格林沁祇領卽日統領健銳營外火器營兩翼前鋒營八

旗護軍營巡捕五營及察哈爾各官兵並哲里木卓索圖昭烏達東三盟蒙古諸王等勁旅由京前往合剿與欽差大臣勝保等前

後夾擊天戈所指自可剋日蕩平王等其効力同心嚴明賞罰迅奏膚功以副委任○諭恆裕奏擊退賊匪克復縣城並臺北獲勝

情形一摺臺灣府屬南北中三路匪徒同時勾結滋事該總兵恆裕督令將備聯絡莊董防剿兼施澎湖遊擊王國忠等所調兵丁

與臺灣道徐宗幹所派義勇屯丁水陸合剿斃賊不計其數其中路大股首匪張佑南路大股首匪黃再基等中路股首林義等北

路股首王高番並僞總軍師等共十四名又股首黃義豐夥匪蔡南等一百八十餘名一併擒獲正法見在山海道路已通全臺漸

就肅清著恆裕會同徐宗幹嚴飭地方文武各官與紳民人等按捕餘匪務獲悉數懲辦毋任一名漏網以安地面而淨根株○勝

保奏臣前因逆賊乘夜東竄步隊追趕不及派都統西凌阿魁福等督帶黑龍江馬隊六百餘名西安馬隊一百餘名跟蹤尾追

卽繞道直趨賊前兇期初六日行抵正定偵知賊竄臺城不遠當卽派兵前往追襲不期已與西凌阿等所帶馬隊會合該都統等

自八月十八日由洪洞奉令追剿沿途追擊斃賊多名因逆賊行走太速不能鈔擊大股及至長子縣一帶與副都統明慶會遇知

托明阿胞受槍傷不及追趕將步隊交明慶管帶因會同先行尾追趕至臨沼間與賊接仗生擒十餘名殺斃數十名一路州縣隨

到隨行逆賊亦未停頓直至藥城整齊各隊連夜進兵於初四日卯刻前敵追及逆賊大股知其分路欲竄獲鹿正定又因我兵西

來復合股東竄臺城適追至距城二十里之宜陽鎮逆賊全股約萬餘人官兵奮勇一齊衝殺將賊隊截斷賊匪敗走官兵追殺二

十餘里沿途擊殺長髮賊五六百名半長髮賊五百餘名逃散裹脅百姓二千餘名內有坐轎賊目二名經佐領格柵額侍衛索布

多爾札布先後斬獲奪得軍械多件贏馬不計其數並獲二百斤至五百斤大礮二十一尊生擒逆賊百餘名正法追至臺城縣城

已失守賊數千名出城迎撲我兵奮勇擊殺又斃賊數十名賊入城中避匿不出官兵撤隊紮營並經附近村民陸續拿獲奔散

餘賊分別正法查逆賊乘奔官兵未能堵禦以致長驅直入擾近畿疆經原派西凌阿魁福並會合明慶等追殺業已大獲

勝仗頓挫兇鋒惟探知該逆已由臺城搭橋渡至滹沱河北岸盤踞村莊意圖乘間東竄我軍步隊僅及善祿所帶將及一千名

馬隊亦僅西凌阿明慶魁等所帶千名其由河南撥來之總兵經文岱帶兵於初五日趕到擬即先行齊隊前進扼其北竄之路相機兜剿並飛催培成多爾濟那木凱由深澤無極一帶進兵達洪阿由定州阜城驛一路進兵飛咨慶祺維祿令其帶兵速赴河間扼截東竄天津之路且作保定犄角之勢西凌阿等即令由南兜剿不令回竄惟東南一路俟日內續有兵到方能分撥協剿至前調恩華所帶馬隊五百名令其先往無極縣以南扼要駐紮步隊兵丁亦即前進上諭軍機大臣等逆賊自竄直境所過州縣並未堵禦官兵亦迄未追及以致窮蹙餘匪肆意奔竄經此次痛剿及逃散不下三四千人自必愈形窮蹙惟該逆既已渡河而北恐南路進剿之兵又成尾追之勢本日特命惠親王爲奉命大將軍並命僧格林沁爲參贊大將軍統帶健銳營兵五百名外火器營兵五百名兩翼前鋒營八旗護軍營兵二千名巡捕五營兵五百名察哈爾兵一千名即日出京與該大臣前後夾擊所有前次派出培成等所帶各官兵皆係同時陸續啟程該大臣所稱催令分赴深澤無極及阜城驛等處進剿之處猶恐緩不濟急著即先將催到之兵扼要布置仍飛咨僧格林沁分撥進剿慶祺所帶之盛京兵已由水路啟程即可令其前赴河間扼截此時西凌阿等由南兜剿即可兼防東竄之路該大臣再能迅速北趨已不難兜圍剿滅勿因命將出師稍有延待總期同心勦力迅殄妖氛論功行賞朕惟以勦賊之遲速爲權衡也本日又據桂良奏水路由深州可通豫河直至天津見已移咨慶祺相機進止又滏陽河一帶界連冀州獻縣等處亦連天津爲鹽船聚集之所等語著該大臣即酌籌安防其諒爾經額原帶之兵見歸西凌阿管帶能否即將此項官兵調撥東南一帶即著酌量辦理將此由六百里加緊諭令知之○河南巡撫陸應穀奏歸德被賊竄擾後各處擒匪乘機肆起派撥兵勇前往剿捕據夏邑縣知縣徐本立稟八月初三日夜聞探有大股擒匪二千餘人勢欲撲城該縣隨帶兵勇出隊迎截匪徒恃眾拒敵我兵施放槍礮擊斃二百二十餘名生擒二十餘名餘匪逃散初十日該縣會營帶領兵勇前往兩廣總督徐廣綰赴商邱縣馬牧集等處剿捕行至三官集遇匪千餘迎撲兵勇分隊奮擊該匪開礮拒戰該縣密飭練勇夾攻擊斃擒首一名殺夥匪二百餘名生擒七名訊據獲賊供另有大股擒匪前來乘虛攻城該縣折回添募壯勇並稟徐廣綰派兵接應先令生員彭作元等帶勇分路設伏自督典史周爲芬分帶兵勇馳往三更時見有匪徒一千三百人擁擁奔至兵勇分兩路迎擊四面伏兵齊出合力兜剿該匪力不能支斃斃三百餘名落水淹死不計其數生擒擒首司礮雲等三名夥黨四十餘名餘匪奔竄又署歸德府知府王憲稟首名擒首宋濬沅等在馬牧集牛王棚等處盤踞初十日隨同徐廣綰統率兵勇千六百名馳至夏邑縣鄭家集匪徒千餘列陣拒敵兵勇奮力直前槍礮環施擊斃十餘名該匪潰竄我兵跟追又斃百餘名生擒擒首李大漢等六名千總張瑞松擒獲擒首姚慶德一名十四日追至劉園圍擒擒匪數十名奪獲車轎馬該匪竄入碭山經該縣兵勇會同擊斃百餘名生擒夥匪二百餘名並獲巨擒盧四等二十一名又代理商邱縣知縣陸成沅署典史陳必受等獲擒匪田谷禮等六名徐本立先於十二日帶領兵勇起至李九集適有大股擒匪撲來拒敵我兵奮勇截剿斃匪二十餘名生擒劉恩傳等十餘名並將賊巢焚燬又據

探報略三羣等糾眾在張家花園搶掠十四日周爲芬等帶兵迎剿斃匪二百七十餘名生擒八十餘名並獲總檢首略三羣等三名兵勇聞有受傷仍督飭官軍分路進剿務將未獲之匪悉數殲除報聞○添派親王銜定郡王載銓內大臣璧昌辦理巡防事宜續賞出征各旗營官兵銀兩及察哈爾羊隻○壬子諭軍機大臣等琦善等奏攻城斃賊並盤獲奸細一摺揚城逆匪數已無多兩月以來疊據該大臣等奏報不過待其縋城而出始圖轟擊並未見併力進攻今揚城克復之信愈無憑準而安徽廬集一帶危急萬分逆賊以揚城餘黨牽制大兵琦善等頓兵城下久而不克若皖省賊匪肆擾則揚城各路之兵必致腹背受敵更難措手見在北竄之賊並無後援尙且重煩兵力若再聽其擾及皖省全股北竄該大臣等自問當得何罪揚城餘匪勢極窮蹙著即迅圖克復一面分派得力員弁帶領兵勇援救安徽毋稍延緩琦善本係江北總統斷不能專顧一隅坐視貽誤也將此由六百里諭令知之○安徽巡撫李嘉端奏逆賊三擾安慶登岸踞城經臣分撥兵勇赴集賢關堵剿並激勵將士嚴守待援探知賊在城中添造刀矛驅婦女老弱出城修築迎江寺圍牆礮臺遣船分往上下游搶掠據呂賢基函稱自六安赴霍山聞安慶之警即折回舒城至桐城整頓訓練以爲官兵聲援其時恆興等所帶兵勇陸續亦到又派主事邊保涇帶練勇二百名馳往張熙字營幫辦乃安慶尙未開仗據含山縣孔繼黃稟稱有賊船數百隻由金陵駛至和州之鍼魚嘴恐其上岸分竄遂各帶勇至和含交界之張公橋堵禦並由署臬司張印塘派辛本梅帶勇接應正在啟程鍼魚嘴之賊船已竄裕溪至三汊河乃改派辛本梅赴黃落河無爲州一帶會同李登洲由芙蓉嶺分勇協剿又據玉山王正誼函稱初一日已刻賊船六七百隻直上運漕當派黃元吉督勇迎剿擊沈賊船一隻斃賊數十人戰十二三刻賊復大至不能不退回東關李登洲等在黃落河亦未得手仍同芙蓉嶺辛本梅等尙未趕到賊離東關甚近等情惟有督令玉山張印塘等嚴飭文武極力守禦一面飛催各路援兵合力夾擊前聞江西有尾追兵勇迄今未得的音湖北礮船聞亦造成多隻屢經催調亦復杳然江南艇船見亦不知作何布置應再請旨速飭上下游水陸並進毋分畛域全皖幸甚又奏據李登洲稟初二日賊船聞入黃落河當即督勇開放槍礮斃賊三百餘人適以鉛藥用盡且賊數眾多力難抵禦退守芙蓉嶺壯勇死傷二百餘人又李鴻章暨張印塘函稱初三日有賊船千餘隻擁進東關經玉山王正誼派富惠辛本梅黃元吉各帶兵勇力禦眾寡不敵東關失守查賊勢猖獗若入巢湖即可直抵廬郡見已飛調恆興帶兵趕緊折回號召附近團練以爲守禦之計並咨會呂賢基在桐邀集團練扼守南路上諭江西敗竄餘匪占踞安慶欲圖牽掣金陵大兵前已飭湖廣江西速備船礮下駛援應並諭江忠源跟蹤追剿八月二十八日復有金陵賊船數百隻駛至和州旋入裕溪東關卽行失守是該逆進則窺伺巢廬退可接應安慶賊勢愈張兵力不足覽奏實深焦灼本日諭琦善等速籌應援並催令張亮基崇綸卽將改造船隻速配兵勇隨帶礮械趕赴下游交江忠源管帶以資援應著周天爵遵照前旨迅撥兵勇前往堵剿保護巢廬杜賊北竄之路呂賢基所帶練勇卽可援應廬郡仍須設法阻截安慶賊匪令不得與東關聯貫常清見經降旨摘去頂帶議處其所帶青州官兵見到和州即

著傳旨該副都統協力攻剿以贖前愆該撫一面嚴督在城文武紳士固守廬州一面知會河南山東豫防賊匪分竄並著周天爵李嘉端督率玉山恆興力籌堵禦萬勿令舍舟登陸復行北竄將此由六百里加緊諭知周天爵李嘉端並諭呂賢基知之○諭江西下竄賊船占踞安慶前有旨令江忠源跟蹤追剿見在復有賊船數百闖入裕溪情形緊急該臬司行抵江西何處所帶船隻其有若干是否足敷應用著先會同李嘉端設法水陸防剿使該匪不至擾及廬州俟湖北船駛兵勇到時即進援安慶力保皖疆萬勿再令賊匪北竄將此由六百里加緊諭令知之○添派恭親王奕訢辦理巡防事宜○癸丑諭內閣道光二十九年 皇考曾賜朕銳捷刀 賜恭親王奕訢白虹刀彼時並蒙 恩諭准其佩用緣此二刀俱係金桃皮鞘非 特賞不能用見命恭親王奕訢署領侍衛內大臣今日伊見面時請旨所有從前 特賞之白虹刀仍准伊佩用金桃皮鞘餘不准用○諭羅鏡典吳振械奏剿除回匪首犯就擒一摺據奏回匪裹脅數千人盤踞東川之翠雲寺小雪山經該督等飭令護總兵王國才等帶兵進剿窮搜巢穴擊殺無算被脅回民紛紛赴營求撫首犯馬二花及餘匪悉就擒獲並將難回一萬三千餘人派員遞回安插見在東川尋甸地方一律肅清等語此次剿辦回匪文武員弁著該督等擇其尤為出力者酌量保奏候朕施恩至該地方失事文武各官功過尙足相抵著加恩免其議處無庸再行保奏○諭扎拉芬奏喀爾喀扎薩克圖汗三音諾顏兩部落盟長汗王貝勒貝子公扎薩克呼圖克圖等情願自行捐銀四千兩以充軍需足見惻誠此項所捐銀兩若予賞收朕心深為不忍惟將所捐馬一千匹賞收與前調取特穆訥馬匹一併交察哈爾都統以備調用俟軍務告竣由理藩院題奏候朕施恩○諭扎拉芬奏等奏扎薩克圖汗衙郡王車林敦多普呈請情願捐輸銀兩以備軍需懇請轉行請旨一摺扎薩克圖汗衙郡王車林敦多普聞逆匪滋事呈請情願捐銀一千兩足見惻誠朕深欣悅但軍營應用銀兩見已妥備足敷應用惟念蒙古生齒日繁自必藉此項銀兩養贍將此曉諭該王伊所捐銀兩毋庸賞收以示朕嘉獎蒙古世僕優加體恤之至意○勝保奏逆眾盤踞臺城 初六日甫至正定因經文岱維祿俱已趕到當派員弁星夜馳往督隊經文岱等帶領盛京吉林馬蘭各營兵七百餘名正擬會同西凌阿進攻探得該逆在北關外搭造浮橋意圖北渡經文岱即率領官兵直奔臺城維時逆匪渡河方半城中尙餘賊二三千我兵雖為數無多勇氣百倍擁入城中當即斃賊二百數十名逆眾披靡全向北關外逃竄我兵追至河沿殺賊無數其已過河北之賊見我兵追殺甚急即將浮橋放火落水死者甚多該逆逃過河北整隊排列用大礮向南岸轟擊又慮官兵乘夜搭橋渡河全股竄往河北村中 臣於初七日由正定督兵前進距臺城十餘里探知逆匪在郝莊盤踞聞 臣已渡河沱督兵前進即乘夜遁向晉州當令西凌阿等跟蹤速追 臣亦督兵繼至適准桂良飛咨賊有分股竄擾定州所屬李青果村之信 臣權量輕重本擬即速東剿因已折而東北趨赴定州該逆知大兵趕到仍合股東竄晉州見在西凌阿等尾追 臣復令催培成多爾濟那木凱達洪阿等由高陽深澤迎擊不至任其

猖獗亦即督兵先行馳赴保定再由高陽一帶督剿前進並飛催繡秀郝光甲等帶兵馳赴冀州衡水一帶以扼其東南竄逸之路趙北口最關緊要經臣等催慶祺帶兵前往未知能否趕到恩華業已星夜起來等會合商辦一切總期合力殄滅此賊上

諭軍機大臣等本日據臣保奏臺城賊匪見已攻破逃往定州等語著僧格林沁即催令培成多爾濟那木凱達洪阿等先將已到之兵即刻管帶前進臣保奏臺城賊匪保等知會合力夾擊毋令逃竄將此由六百里加緊諭知僧格林沁並諭培成多爾濟那木凱達洪阿知之○諭臣保奏續獲勝仗扼要堵剿一摺臺城賊匪逃向定州該大臣已派西凌阿經文岱等跟蹤緊追該大臣由定州至保定督兵進剿

惟河間天津一帶甚屬空虛本日已諭令僧格林沁派令培成多爾濟那木凱達洪阿等將所帶之京兵及察哈爾官兵迅速前進由高陽深澤一路迎擊惟培成等甫經出京道途紆折恐一時未能趕到且諸將中惟達洪阿曾經出兵其餘均未經行陣行著勝保迅速派得力將弁帶兵前往扼要堵截勿稍延待慶祺帶領盛京官兵應於何處截擊遏賊東竄天津之路並著該大臣酌量調度僧格林沁所帶官兵四千餘名約在涿州一帶布置兼顧保定易州等處其河間天津等處何路緊要即著撥兵迅速進剿並隨時知照僧格林沁等酌量緩急相機夾擊諒爾經額原帶之兵前已有旨飭令歸西凌阿管帶著勝保迅即飛調來營以資攻剿毋任逗遛遲誤將此由六百里加緊諭知勝保並諭慶祺知之○以奕湘為理藩院尚書前禮部尚書○添派左都御史聯

順辦理巡防事宜○甲寅諭內閣勝保奏恩華業已趕到可否責令戴罪自效等語恩華業已革職擊問惟當軍務需人之際既據該大臣奏雷著暫緩來京准其雷於勝保軍營戴罪圖功以觀後效○諭見在各路大兵進剿沿途豫備車馬及馳遞文報均屬刻不容緩乃本日據勝保奏南路未到之兵尚多皆由文報稽延地方官不給車馬以致稽滯並加緊招募亦多遲至二三日不等值此軍務喫緊之際各州縣驛站並不先期妥為豫備實屬玩誤著直隸總督山西巡撫飭查各屬將遲誤兵差稽延文報之各地方官據實嚴參毋稍徇隱○諭怡良許乃釗奏紳民會同官兵收復縣城一摺南匯縣紳民顧祖金等捐貲募勇與官兵會合攻破東南兩門殺斃賊匪二百餘名生擒四名餘匪逃遁當將縣城收復其閩廣匪徒由上海竄至嘉定員如鎮經參將秦如虎分兵三面環攻殺賊無算辦理尙屬妥善上海匪徒滋擾尙未殲除仍著該督撫即飭帶兵各員迅速收復顧祖金等捐貲募勇洵屬急公好義著與在事出力文武員弁一併確查請獎○諭軍機大臣等載容等奏東陵額設旗兵輪流直班擬請加添兵丁守護以昭慎重等語所有五陵宮門外東西班房每處每日值宿著加添官二員兵十名妃園寢著加添官一員兵五名其大紅門等處

值宿官兵亦並著一併加添至大紅門外地面敞曠著載容等即將所挑精壯滿兵二百名分撥駐守並將兼習鳥槍之兵丁飭令該管總管等分日操演以資習練至大紅門等以外駐守之章京著每員每日賞給飯食銀一錢兵丁每名每日著賞給飯食銀六分以示體恤此項銀兩准於永濟庫變價開款內動支一俟軍務告竣即將加添各項官兵裁撤以符定制將此諭令知之○

論本日據勝保奏賊由晉州紛竄又據奏賊匪分股竄擾深州等情逆匪奔突無定若分股滋擾又恐牽掣我師西南兩路固應防

論本日據勝保奏賊由晉州紛竄又據奏賊匪分股竄擾深州等情逆匪奔突無定若分股滋擾又恐牽掣我師西南兩路固應防

論本日據勝保奏賊由晉州紛竄又據奏賊匪分股竄擾深州等情逆匪奔突無定若分股滋擾又恐牽掣我師西南兩路固應防

論本日據勝保奏賊由晉州紛竄又據奏賊匪分股竄擾深州等情逆匪奔突無定若分股滋擾又恐牽掣我師西南兩路固應防

備而東路河開天津一帶尤關緊要綿洵桂齡郝光甲蘊秀等究竟在何處耽延著卽嚴催星速前進毋得再有延誤慶祺見在行抵何處應於何路堵截賊匪著勝保酌量調撥勝保等惟有併力進剿迅殄醜類以副委任見在江西匪船下竄安徽廬州一帶勢甚危急若不及早殄滅此股賊匪儻皖省匪徒北竄更恐滋蔓難圖矣保定防守一切事宜卽責成桂良嚴密布置並與僧格林沁商酌辦理訥爾經額前由天津運赴清化鎮職位見在是否帶至軍營著查明酌調應用將此由六百里加緊諭令知之○諭據勝保奏探聞逆匪欲由晉州竄擾安平祁州蠡縣一帶該大臣已抵清風鎮卽日由保定一路向南擊剿頃又據勝保奏逆匪分股滋擾攻陷深州蠡縣告急等語著僧格林沁卽日帶兵馳赴保定以防逆賊北竄並防備東西兩路以便勝保專力進攻並著飛催培成多爾濟那木凱達洪阿等卽行管帶見到官兵迅速前進知照勝保應由何路接應卽行調撥毋稍延誤將此由六百里加緊諭令知之○安徽巡撫李嘉端奏逆匪竄過東關已革臬司張印塘督兵進剿受傷退巢縣力難支持賊必直撲郡城若不迅速迎剿誠恐滋蔓難圖離城四十里之店埠爲巢縣至合肥必由之路且係南北往來驛站其間團練人數尙多必得督兵親往激勵庶可力禦賊鋒其水路已派知縣張培訓導朱宗采前赴沿河一帶勸諭團練相機堵禦一有警報仍督師往剿往來策應若賊竟水陸同時竄至驟難兼顧臨時或令藩司劉裕鈐於附近河道催集鄉勇團練使兩地互爲聲援至桐舒毗連安慶扼守尤爲緊要當飛咨恆興仍駐兵該處防其暗中勾結庶無牽掣之患又奏據王正誼自含山函稱初三日寅刻賊由黃落河水陸並進當經玉山派令黃元吉由闕鼓山武舉楊國慶由王淮渡兩路進剿而自帶壽春廣東兵五百名嚴守東關其陸路之賊一由闕鼓山腳入里外登岸循山麓撲來黃元吉督勇前進抵禦不期闕鼓山後連龜山之陰突出數股黃元吉等腹背受敵死傷極多一時大潰其水路賊船經玉山督兵極力相持賊勢幾敗而龜山之側忽又有匪船數隻由西渡東我兵久戰疲憊潰去大半止存四百餘人王正誼督勇應援亦不得力遂與玉山退至含山一面飛咨琦善向榮分兵救援廬郡並擬招集餘勇赴柘皋等處相機截擊等情查巢縣西濱巢湖水道固易竄入其城北黃山前後路徑雜出皆可直達臨淮集城如果失守恐賊將由水陸分竄口隘甚多非數百人所不能兼顧請旨飭令慧成迅帶重兵由滁州全椒一路前進併力堵剿俾臣可專扼廬州一面不至顧此失彼上諭軍機大臣等見在巢縣情形十分緊要所有水陸各隘口著李嘉端盡力扼守廬州重地尤爲喫緊務當設法保衛該撫出城駐紮店埠據稱團練人數尙多著卽妥爲勸諭激勵以助兵力呂賢基袁甲三趙昀等所辦團練想有成效亦可藉資捍衛總兵玉山剿賊是其專責豈容遇賊輒退著嚴飭相機奮力堵截毋任逆匪北竄將此由六百里加緊諭知李嘉端並諭呂賢基玉山知之○諭見在安慶已被賊踞巢縣一帶再令該匪竄至勢更蔓延不可收拾已諭令李嘉端周天爵等妥籌布置相機剿辦惟兵力甚單不敷分撥情形十分危急著江忠源迅卽馳赴皖省無論水陸總以力遏賊衝杜其北竄爲要都司戴文蘭李輔朝等是否已由九江乘船下駛著一併飛催前進將此由六百里加緊諭令知之○諭前因賊竄安慶廬集一帶危急諭令琦善等迅圖克復揚城分兵救